



## Universitätsbibliothek Paderborn

### V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicationem Pagina  
Indicabit

V. P. Gasparis Druzbicki, Societatis Jesu, Tractatus De Brevissima Ad  
Perfectionem Via: Hoc Est, De Perenni divinæ voluntatis intentione,  
executione, apprehensione

**Družbicki, Kaspar**

**Ingolstadii, 1732**

**VD18 90066340**

Considera IV. Quid sit, & qualis Voluntas Dei quoad nos?

**urn:nbn:de:hbz:466:1-45352**

comparatione) salutem, mercedem, & præmio  
um recipere.

Quis non obstupescat, voluntatem Dei hæc  
imperantem, Christum hæc exequentem intu-  
ens? O sane magnum aliquid hæc Voluntas est,  
quæ tantum potest, quæ tanti apud Christum est,  
cuicunque tantum Homo-Deus submittit: Submittit  
autem ad exemplum meum vel maximè, ut ex  
ipso discam, Voluntatem Dei nosse, amare, æsti-  
mare, executi, inhærere illi, vivere illi, illi evi-  
scerari, illi pati, illi perire, illi immori. O JESU  
Magister mi, fac me prout melius nosti, manci-  
pium, jumentum sanctissimæ hujus Dei volun-  
tatis. Tibi verò ô Adoranda Dei voluntas gra-  
tularum talem servum, qualis erat Christus, sed in-  
simul rogo, ut quæ tantum in Christum potui-  
sti, & fecisti, possis & in me, facias & in me.  
Siquidem non minus ego, & sum, & essetene-  
or, & esse pro mea pusillitate cupio subditus sub-  
jectus, mancipatus, divinissimæ, suavissimæque  
tuæ potestati, ac dominationi, quam fuit Chri-  
stus. Quidni igitur me captivas voluntas sancta?  
nunquid aliud vis à me, quam ut servus tuus  
fieri velim? En volo: facito. O quam felix ero  
tibi serviens!

123.

**CONSIDERA IV. Quid sit, & qualis Vo-  
luntas Dei quoad nos?**

124.

I. Dei voluntas est nobis principium essen-  
tiae usque di. Essentiam enim & naturam, quam habet quæ-  
cunq; creatura, habet ex Dei voluntate. Quod vel  
ex eo patet: Quia ideo creaturæ non sunt, nec  
existunt in rerum naturâ, quia à Deo conditæ non  
sunt, non sunt autem conditæ, quia condi illas

V.P. Druzb. Op. II.

H volun-

voluntas non fuit. Voluntas ergo Dei est omnium nostrum, hoc est omnium Creaturarum Mater, quae nos in Ideis Sapientiae, artiumque diuinorum regulis, ac in Omnipotentiâ Divinâ tanquam semine latentes, in utero suo prima concepit, eduxit, existere, aliquidque esse ex nihilo fecit. Voluntas quoque divina, est veluti alveus quidam, & meatus multiplex, Oceanum, Ium Essentiae divinæ multipliciter pro cuiusque nostrum naturæ & essentiæ existentiâ derivans.

125.

Hinc Colligam Voluntatem hanc Dei mihi Matris loco habendam, pietateque Matribus debitâ honorandam. Colligam etiam curandum mihi esse, ne unquam hunc essentiæ, influentiæ donorum divinorum meatum & alveum in me obstruam, aut incidam, sed curabo potius quantum ex me, quam maximum huic meatui receptum apud me facere, ut quam copiosissime per illum ad me bona Dei deriventur: quin etiam studebo ipse huic meatui vias facilitare ad amorem meam, novis ut quotidie cursibus & influxibus gratiarum cœlestium me locupletet.

126.

II. Dei voluntas est Regina nostra, & Domina. Gubernat enim nos quos creavit, providebat, quos produxit, conservat eos, quos fecerat. Obit ergo partes nutricum, parentum, magistratum, magistrorum, paedagogorum. Hinc tota series providentiae ejus circa nos naturales & supernaturales, adeò lacæta delicata, mirabilis, efficax, sollicita, ut sic curet, unum quemlibet solum ac si curet, de aliis nihil cogitet: passer sine nutu ejus non cadit in terram; capillos numeravit nostros, vestigia nostra considerat: fænum agri tam eleganter vestit. uno verbo, tantum cura

est omniū muscæ impedit, & industriæ suæ dat, quantum totus mundus, cum totâ suâ sapientiâ dare illi non posset. Unus homo, si divinæ circa se voluntatis providentiam consideraret, vita illi suâ non sufficeret: sed oculi nobis non sunt ad ista qui ad vana alia oculatissimi sumus. Hoc unum punctum satis esse mihi deberet ad amandam Dei voluntatem, omnique curâ semper exequendam.

III. Dei voluntas centrum est, ad quod omnia, & à quo omnia percurrunt. Velit nolit homo Voluntati Dei subest, & eam facit; est enim illa adeò potens & efficax, ut vel in hoc ipso quod eam homo non faciat, faciat illam; siquidem non est sine Dei voluntate, quod quis non faciat Dei voluntatem: non enim homo possit illam non facere, si illa nollet se non fieri. Vult ergo non fieri, quod vult fieri? ita omnino. quod enim vult fieri pér beneplacitum, vult idem non fieri per permissionem: hoc est, vult fieri; sed permittit non fieri; permittit autem, quia vult permittere, suamque libertatem creaturæ conservare. Generosa nimirum est Dei voluntas: serviri sibi, & servari se vult à Volentibus, neminem cogit. Si vis, servi mihi; ego volo ut servias, tibi liberum esse volo ut servias, liber es, fac quod placet. Servis mihi? facis quod volo. non vis servire? permitto: sed tamen & sic facis quod volo; facis nimirum id, quod ego permittere volo. at illo discrimine, quod serviens mihi, voluntatis, quam facis, habeas præmium; non serviens mihi, voluntatis quam permittentem facis, habeas poenam. Sic ergo homo peccans currit à Deo placato, ad Deum iratum: dum non vult

127.

H 2

facere

facere voluntatem coronaturam , facit punituram. Et sic ad Dei voluntatem omnia redeunt, omnia currunt, ut ad centrum , sive rectâlineâ, sive obliquâ tendant, ad centrum tendunt. Hinc colligam consultius esse voluntatem Dei facientem coronaturam , quam punituram.

128.

I V. Dei voluntas est nobis regula operandi, & lex vivendi. Voluit nos sibi attendere, se nosse, secundum se in omnibus corpusve animam attinentibus regi. Unde omnium omnino nostrarum operationum præscripsit nobis formam præscripsit autem, vel per seipsum immediate, vel per naturam impressam, qualis est in bestiis præscriptio) vel per rationis lumen, vel per potestes, vel per consuetudinem. Præscripsit quomodo cum Deo, cum superiore, cum pare, inferiore, viveremus; quid, quo ordine deberemus Deo, nobis, aliis, & ne multa loquar, non estatio, non est officii hominis ulla pars, cui legem non dederit Deus, juxta quam fiat. Facit nobiscum, ut paedagogus, rudem adhuc formans pupillum , cui omnium agendorum, non agendorum normam dat. qui se cum parentibus & majoribus qui cum paribus, inferioribus, qui domi, qui foris gerat. pedem sine se domo efferre, a praceptis discedere non sinit; si discedat, corrigit format aspectum, labia, manuum, digitorum etiam motus, ita agit nobiscum Dei voluntas, non discoli sumus, ac protervi. Statuam hujus magistri præcepta nosse, ijsque regi, curabo discolor non esse puer; si quid in me tale deprehendam, reprehendam, & puniam, & corrigam.

129.

V. Dei voluntas aliter nobiscum , aliter cum irrationalibus agit. Cum illis agit, ut cum mancipiis

elpiis, nobiscum, ut cum ingenuis. alias creaturas juxta suam regulam dirigit, ipsis regulam non attendentibus: unde aguntur, patiuntur, juxta regulam quam agunt; sunt ut instrumenta artificum, mallei, limæ, penicilli, quibus artifex utitur in opere, sed ipsa usum sui esse nesciunt. Oritur Sol, lucet, occidit: quare? non scit. rotatur assiduo cœlum, quorsum? non scit. nidificat avis, quorsum? non scit. aguntur in finem, sed quem, ipsæ hæ res nesciunt; in illum quem intendit Deus. Alia hominum ratio: Sumus in manu voluntatis divinæ, ut discipulus apud Magistrum, cuius manum hic tenet, & ductat in opere, sed simul artem docet, & jubet spectare: non solum agit Magister, sed cum discipulo agit: docetque, ut sciat quid & quomodo agat. Itaque voluntas Dei hominem existere vult, sed simul vult ab eo sciri, cur existat; vult illum vivere, sed vult scire quare, & quomodo vivat; vult agere, sed vult scire quare & quomodo agat: hinc illi regulam ostendit existendi, vivendi, agendi, loquendi, cogitandi, orandi, laborandi, omnia operandi, non operandique, juxta quam omnia perficiat. Quæ hæc regula? modo dixi. Voluntas ipsa, quomodo ostendit illam? Inspirando, in scripturis revelando, per rationem dictando &c. Sicut ergo discipulus non errat Magistri ductum, & artis præscripta servando, sic homo Dei voluntatem in omnibus attendendo. Age ut te Deus agere vult, omnia Sancta sunt. Et hæc esse unica cura hominum deberet: sed proh dolor! non est. Vivimus & agimus vel casu, vel ex nostro, vel ex hominum arbitrio, non è Dei.

Ex his discam, quæ fit hominum felicitas ha-

130.

H 3

bere

bere hunc Doctorem ! quæ felicitas eundem  
qui.

2. Discam, quæ debetur gratitudo divinæ vo-  
luntati, quæ me in omnibus etiam vilissimis acti-  
bus meis dirigit per seipsum.

3. Discam, Amorem honesti, & ordinis, &  
regularum. Voluntas Dei tam ordinem amat, ut  
se totam occupet in ordine inducendo, pertur-  
batione vero ordinis excludendâ. nullam actionem  
relinquit sine regula.

Hinc 4. discam, omnem regulam quamcum-  
que non metiri ex objecto, de quo est, sed exau-  
thore, à quo est. Regula illa, quam despicio,  
Dei voluntas est, & hoc audeo ?

5. Discam, summam esse felicitatem regi vo-  
luntate Dei, & ipso Deo: summam miseriam esse  
recedere à voluntate Dei, quia est recedere à  
Deo; summam esse stultitiam, eâ uti nolle; qui  
hoc est Deo uti nolle. Atque id tam in parvis,  
quàm in magnis rebus, quia eadem est in omni-  
bus Dei voluntas, esto non eadem quæ vult; no-  
est autem injuria objecto & rei volitæ, sed ipsi vo-  
lenti, & voluntati; quod diligenter notandum est  
parvarum legum contemptoribus, in Religione  
in Republicâ, in Conscientiâ.

### **CONSIDERA. V. *Quid exigat à nobis Voluntas DEI?***

131. *Primo.* Exigit à nobis voluntas Dei cognitio-  
nem, ut scilicet eam perfectè sciamus, quantum  
ad officium, statum, ætatem, occupationes no-  
stras attinet. Hoc enim sublatō, frustra sunt re-  
liqua. Hinc fons perditionis humanæ, Ignoratio  
voluntatis divinæ: ad eam tollendam ipse  
Deus